

115 年全國語文競賽臺中市複賽臺灣原住民族語言朗讀文章 【卡那卡那富語】 國小學生組 編號 2 號

tarasangara taniara

matirupangu cu urima taniara moon na tarisinatua marisinatua. tia cu
mati'arangu tarasangara taniara. noo matarava cu tarasangara taniara ia,
mu'uru'uru ku moon na tanasa marisinatua noo matirupangu cu ia
arapipiningi cu na taira. cucuru ku manmaan mavici tacau mucacaca. moon
na tantanau arapana'u. 'apanapa mukusa nungnung sumasima'u nukai
pinaarupu.

manmaan ku kavangvang mukusa maraa ngungucara cimuru si
tavara'u moon 'inia taraceni cumacu'ura. 'una inia maningcau karu, cunu,
vungavung , mataa to'umangu. nukai urunguun sapaniri pasarunai 'acipi
kiracukucuku 'unu'unai. marisauvuvu pariapara. cucuruana
pakamanungu cupungu.

manmaan ku kavangvang kipapa tamu mukusa 'umo'uma. tumatimana
tamu po'u'una, paru'una poiisua Kanakanavu tamna 'una. ikim noo
makacukuna cu 'umo'uma ia. muranu ku tamu pucanumu tanatunga.
tumatakutaku cunu. mata 'apakunu nipacuvuru tamu na 'umo'uma tutui,
takuisi, tarukuka mataa kunga'a.

tarasangara taniara noo kuravi cu. paira kimi cani pininga tupuru na

tapininga paru'una. 'apanapa 'una puka "kuu! kuu! kuu!" misee umoni.
paira kimi matarava vurungana makai niroimi cu takananga. noo
masarumpu cu, pui'i cu na 'aravang tanasa si'icupu. nakai makasia
kacangcangaruun taniara cucuru mara'an takananga maca'ivi.

假日時光

假日時，我會先寫完功課再帶狗去散步，一起在山林中奔跑，有時也去溪谷玩水、釣魚。我喜歡到山坡上眺望遠方，欣賞美麗的花草樹木和竹林，或赤著腳踏在地面上，嗅著空氣讓身心無比舒暢。我還喜歡跟爺爺到田裡，聽他述說族裡的事物。抵達了田園，就幫爺爺灑水、除草、餵食豬、羊、雞、鴨等。假日的晚餐後，一家人坐在院子聊天，看著月亮、數星星，經常忘了時間，到睏了才會回屋睡覺。假日時光真令人快樂，但是時光總是特別快。